

SONNEN GOH

SONNEN ER GUIGNÉL

(Ar un ton anaùet)

I

Tri dé é jiboés é oen bet, (D. h.)
Nitra a vad n'em boé dalhet.

DISKAN

Gé fa la ri dondén
Fa la ri dèn ma dongé !

II

Nitra a vad n'em boé dalhet,
Meit ur guignél ne talé ket.

III

' Boé ean lakeit ém greniér ;
Monet hré ' barh bet en hantér.

IV

Ha pe oé lardet men guignél,
' Poé avertiset er bosér.

V

Er bosér bras, é dri meüel,
Oé ret kaout eit en derhel.

VI

Kent parti, ean groeit 'n heij d'é
[har
Foutet er pear bosér d'en doar.

VII

Tri ré boteu em boé uzet,
E kasein é blu d'en Nañned.

VIII

Ha genein é oé hoah chomet
Trahoalh eit kargein ter holhed.

IX

Ter holhed vras, groeit neüé flam,
Hag ur goh roched de lehann.

X

Er hig en devoé chervijet
De chervad mem brér diméet.

XI

E oemb abarh unek kant dén ;
Chomet oé hoah genemb eit
[koén.

XII

E oemb abarh unek kant pen ;
En trenoz 'boé bet hoah miren.

XIII

Hor hi, boneur nen doé ket bet,
E klask lonkein, é oé taget.

XIV

Petra ' m boé groeit ag é voel-
[leu ?
Ter korden-gar hag en troèdeu.

XV

Ter korden-gar hag en troèdeu ;
G'en achimant 'boé groeit stageu.

XVI

G'en achimant 'boé groeit stageu.
De zerhel er loñned ér hreu.

XVII

Petra 'boé groeit ag é gestad ?
Fuzillenueu de jiboèsat.

— 233 —

XVIII

Chomet oé hoah genein é bén :
Péh a botarn d'hobér souben !

XIX

Hoah é chomé é ivineu :
Get er ré-sé ' boé groeit klèueu.

XX

A men guignél ' oen koutant mat
Reit en doé d'emb kalz de lipat.

XXI

Nag ' m behé lahet tri éjon,
N' vehé ket bet guel me forsion :

XXII

Mal bras é d'ein cherrein mem
Maiveilleu erhoalh ' m es laret !

XXIII

Eit en dra-zé, forh ne hran ket,
Péchanj vras ' don ket bet kredet.

Dastumet é Noal-Pondi get

F. ER HLENCH.



Klohour Melrand

Er miz-men-za é tereueemb (commencer) ama get buhé

KLOHOUR MELRAND

Lakeit é ber girieu. Aben arlerh e vo kavet é soñnenneu, e zo bet kaset d'emb un tammig a bep parréz get hor lénerion.

En arben a gement-sé é houlennamb get hor mignoned labourat gredusoh de strèuein *Dihunamb* éndro dehé. E meur a barréz é vehé gellet asé guerhein *Dihunamb* arlerh en overenneu, ar en dachen. En hantér ag er huerh e lézeemb get er ré e hrei en dra-sé.

Komenanderion neüé e vehé kavet ésoh eüé én arben a gement-sé.

D'er labour enta, aveit er brehoneg berpet !

Hemb er brehoneg nen des chet a Vretoned èl èl nen des chet a Fransizion hemb galleg.

Gouiet brehoneg mat ne barra ket a houiet galleg mat.